

K E N E S I S .

N RAKABEI Leatu ki brigi elagsou go emeromina nin.

2 Emeromina nin ki barbár en, ki bi namisbal, go nimalko ki en elag namos : Nata Leatu ki bunof nai tok.

3 Leatu ki nag, Namrem ke fakor ; go namrem ki bakor.

4 Leatu ki leka namrem ki bo wi. Leatu ki karobotei namrem go nimalko

5 Leatu ki selnagien namrem ke fi Aliat, go ki selnagien nimalko ke fi Bog. Aliatibeia kin, kotfan go builbog.

6 Leatu ki nag, Nimalfa ké eu nimaota nai, ke tibotei nai.

7 Leatu ki wiswis ki nimalfa go ki karobotei nai nag i en etan nimalfa go nai nag i en elag nimalfa : go i bo tebelan.

8 Leatu ki selnagien nimalfa ke fi Nsou. Aliat karua kin, kotfan go builbog.

9 Leatu ki nag, Nai nag i en etan nimalfa ke serakuruk bak naor kiskei, go te gar ke tok mol : go i bo tebelan.

10 Leatu ki selnagien te gar ke fi Nifanu : go naserakurukiena nig nai, ki selnagiena kin ke fi Intas. Leatu ki leka ki bo wi.

11 Leatu ki nag, Namonam ke futum intan ; go nafurafur nag nuan i tou wis, go nikas iferser nag i wa ki nuan nigar iferser, nigar nibatin i toko nakbiloun nuan. Go i bo tebelan.

12 Namonam ki futum intan, go nafurafur iferser nag nuan i tou wis, go nikas iferser nag i wa ki nuan nigar iferser, nigar nibatin i tok nakbilou nuan. Leatu ki leka i bo wi.

13 Aliat katola kin ; kotfan go builbog.

14 Leatu ki nag, Tete nasul ruk tok elagsou, ruk karobotei nimaota aliat me bog ; ruk fi nafeifeien, ruk bisei ki mal kinin, go aliat kinin go intou kinin.

15 Ruk fi nasul ni elagsou nag ruk sul lag emeromin. Go i bo tebelan.

16 Leatu ki brig nasul tob nru: anre nag i tob i nag ke fi atlak naliati go anre nag i ses ke fi atlak bog; go ki mer brig massei.

17 Leatu ki lao kir elagsou nag ruk sul lag emeromin.

18 nag ruk fi atlak naliati go bog kai tibotei namrem go nimalko. Leatu ki leka i bo wi.

19 Aliat kafat kin, kotfan go builbog.

20 Leatu ki nag, Intas ke furra ki sernalo nag i sefa ur es, go man ruko nrir ur nimalfa, elag emeromin.

21 Leatu ki brig tefra burr, go sernalo iferser nag i sefa ur intas, go man iferser nag i belaka naferun. Leatu ki leka, i bo wi.

22 Leatu ki bsouia kir kai nag, Ko fsol kai lab kai ferafer intas; go man ke lab emeromin.

23 Aliat kalima kin, kotfan me builbog.

24 Leatu ki nag, Nifanu ke furra ki te iferser nag i mol tok, wak fukal, go sernalo nag i kuraf, go wak ifkit ruk iferser; go i bo tebelan.

25 Leatu ki brig wak ifkit iferser, go wak fukal iferser go sernalo iferser nag i kuraf. Leatu ki leka i bo wi.

26 Leatu ki nag, Tuk frig natamol, ruk fi nankit, ruk taos kit; ruk fi atlak neika nag i tok intas, go man nag i nrir nimalfa, go wak fukal, go sernifanu, go sernalo iferser nag i kuraf intan.

27 Leatu ki brig natamol, i bi nanin; ki brigi i bi nan Leatu, ki brig ir ra bi nanui go nimatu.

28 Leatu ki bsouia kir; Leatu ki nrik kira kin, Ko fsol kai lab, ko ferafer emeromin kai bi atlaken. Ko fi atlak neika nag i tok intas, go man nag i nrir nimalfa, go sernalo laba nag i mol tok nifanu.

29 Leatu ki nag, Kineu kai tuo mus ki sernafurafur nag i tok emeromin nag nuan i tou wis, go nikas iferser nag i wa ki nuan; ke fi nafnag famien nigamus.

30 Me wak nag i tok nifanu, go man nag i nrir nimalfa, go sernalo lab nag i kuraf intan kai mol tok, kineu kai tu era ki sernafurafur kisakis, ke fi nafnag famien nigar. Go i bo tebelan.

31 Leatu ki lek sernalo lab a nin ki brig i nag i wi berkati tok. Aliat kalatesa kin; kotfan me builbog.

II.

1 Tekan wan ki brig si elagsou go emeromin go sernalo laba nag i tok osa tok.

2 Aliat kalaru Leatu ki brig nawisien nag ki wiswis kin ki num : go aliat kalaru ki tao sernawisien nag i brig i, ki tao i tok, ki marmar tok.

3 Leatu ki bsoui ki aliat kalaru kai brig i tap : nlaken akin—Naliati wan Leatu ki tao sernawisien nag ki wiswis kin ki tok, go ki marmar tok.

4 Nifakoron a nig elagsou go emeromina nin kiag. naliati nag Yeof Leatu ki kaimis ki emeromin go elagsou,

5 go sernikas ni emeromin, naliati nag i ta tu bakor mou, go sernafurafur ni emeromin naliati nag i ta tu futum mou. Yeof Leatu i ta tu brig us i wa emeromin mou ; go natamol nag ruk wiswis intan i ta tik.

6 Me nimaf ki tau kor emeromin kai brig sernifanu i lum.

7 Yeof Leatu ki wiswis ki tete intan i bi natamol, go i mar us nagorin, go natamol wan ki mol.

8 Yeof Leatu ki brig intalmat, epou, nifanu nig Iten. Eswan ki brig natamol nag ki be wiswis kin i tok osa tok.

9 Sernikas nag akit tu lo wia kin, go sernikas nag nafnagan i wi, Yeof Leatu ki brig i futum intan ; go i brig nikas nagmolien i tok emalubut intalmat wan, go nikas nitaeen nig nouian go nig nisaan.

10 Tete naiser nig Iten i sera ur intalmat wan, i sero botei kai nran i pat wis.

11 Iskei nagien Paison, te nag i seralfik nifanu nig Avilla, eswan kolt i tok os.

12 Kolt nig nifanu wan i wi ; go telyum go fat oniks, i mer tok os.

13 Naiser wan nran karu nagien Kaion, te nag i seralfik nifanu nig Itiopia.

14 Naiser wan nran katol nagien Itekel, te nag i sera baki epou, bak nifanu nig Asiria ; go naiser wan nran kafat nagien Yufretes.

15 Yeof Leatu ke belakelu Atam bak intalmat nig Iten, nag ki sur kai tok lokor os.

16 Yeof Leatu i nrik suksuk Atam kin, i nag, Sernikas nag i tok intalmat ba tok pam i.

17 Me nikas nitaeen nig nouian go nig nisaan ba tu pam i mou : naliat ba fam i ba fo mat.

18 Yeof Leatu ki nag, I tu wia mou nag Atam ke skei tok; ka niga brig natamol nag i wil i.

19 Yeof Leatu ki wiswis ki intan nag i bi serwak nag i toko nifanu go serman nag i nrir nimalfa. Ki belakelu er mai lek Atam nag ke selnagier: go te nag Atam ki selnagi sernalo lab nag i mol tok i bi nagier.

20 Atam ki selnagi wak fukal go man nag i nrir nimalfa go wak ifkit; me nat a nag i wil i Atam i ta tik.

21 Yeof Leatu ki brig nimaturwen a tob ki bakoro ki Atam go i matur; i baslu nafirrin iskei kai mer bunot a ki nafskon.

22 Nafirri Atam nag Yeof Leatu ki be baslu a i brigi i bi nimatu, kai belakelu a mai lek Atam.

23 Atam ki nag, Intawotin, intawotuk kin, nafskon nafsikuk kin. Ke be tok nanui mai, tewan kin ruk fo soso ki nimatu.

24 Te wan kin nanui ke fo tao temen me reiten rak tok go ke fo kon oki nimatu niga: namolir rak fi te skei mau wan.

25 Rakai be bu atok, Atam go nimatu niga, rakai tu malyer es mou.

III.

1 Wak lab nag Yeof Leatu ki be brigi itok nifanu ru bol ses, me maat i bol tob. Ki nrik bous nimatu kin i nag, Leatu i tili nag akam rak tu pam nuan sernikas nag i tok intalmat mou ko?

2 Nimatu ki nrik maat kin i nag, Komam rak fam nuan nikas lab nag i tok intalmat.

3 Me nuan nikas nag i tok emalubut intalmat Leatu ki til i, Akam rak tu pam i mou, rak tu tikal i mou raf mat.

4 Maat ki nrik nimatu kin, Akam rak fo tu mat mou.

5 Leatu i tae nag naliat rak fam i numtamus ruk fo bilo. Akam rak fo taos Leatu, rak fo tae te nag i wi go te nag i sa.

6 Nimatu ki lek nikas wan i nag nafnagan i wi, go numten i lo wi akin, go i bi nikas nag ke frig nat ki mitmatu, ki wislu nuan kai pam i, ki tu kabuer niga kin go i pam i.

7 Numter rakai nrua bilo, rakai tae nag ra bu atok, rakai tur noulin nikas, kai brig i i bi nafon nigar.

8 Rakai nrog nalo Yeof Leatu, ki siwer a ur intalmat, kotfan. Atam go nimatu niga rakai kus ki Yeof Leatu narub nikas intalmat.

9 Yeof Leatu ki soso Atam kai nrik kin akin, Ag wan ?

10 Ki nag, Kai nrog nalom intalmaat kai imtak, kai bu atok kai kus tok.

11 Ki nag, Fei ki nrik kiko kin nag ku bu atok ? Ku pam nikas nag a tok nrik suksuk kok kin a nag, Ba tu pam i mou ?

12 Atam ki nag, Nimatu nag ku tu au kin nag ke tok rakiou tok, niga kin ki tu au nuan nikas nin go kai pam i.

13 Yeof Leatu ki nrik nimatu kin i nag, Nufte akin kui brig i ? Nimatu ki nag, Maat ki bol o kiou go kai pam.

14 Yeof Leatu ki nrik maat kin i nag, Ag kui brig tenin, te wan kin serwak fukal go serwak ifkit kai bisssa kir ki ses, me ag, kai bisssa kik tob. Ag ba tos ki intagam. Sernaliati nag ku mol tok, ba fam nagmotagmot.

15 Kineu ka fo brig mus, akam nimatu ko fo tumomus butakou ki mus, tesa nigag go tesa niga ruk fo tumer butakou kir. Tesa niga ke fo ba bu niboum, go ag ba fo tuba nugmel natuen.

16 Ki nrik nimatu kin i nag, Ka fo brig nanrogtesaan nigag ke fo tob go natienaan nigag. Ba fo sel tesa kai petin wis. Ag ba fo nrog berkat nalo kabuer nigag, niga ke fo belakelu ok.

17 Ki nrik Atam kin i nag, Ag kui nrog nalo nimatu nigag, kai pam nuan nikas nag kai nrik suksuk ok kin a nag Ba tu pam i mou, tewan kin kai bisssa ki intan, nafolfolon nigag. Sernaliati nag ku mol tok ag ba fam te nag i futum wis kai nrogtesa.

18 Te nragonrago, go te mikalkil ke fo nigag futum wis, ag ba fo pam noul lalkis nafurafar.

19 Nimaono ke fo serser us nakom, go ba fo pam nafnag nigag pan pan ba fo ler bak intan. Ag ku tok os mai, ku bi intan, go ba fo ler kai mer bi intan.

20 Atam ki selnagi nimatu niga If, i bi reita ser natamol lab a nin.

21 Yeof Leatu ki nig Atam go nimatu niga brig nakul wak ki bi nakbulei nigar, rak felak e.

22 Yeof Leatu ki nag, Atam ki mer taos kit, ki tae te nag i wi go te nag i sa. Me if la sei ki narun kai wislu nuan nikas nagmolien kai pam kai mol kai tok mou tok.

23 Te wan kin Yeof Leatu ki kopas i, i tok intalmaat nig Iten kai bak etak nag ke wiswis intan, eswan ki tok os mai.

24 Ki kop Atam pan, go i brig tete tyerubim i tok epou
intalmat nig Iten, go tete lof iskei i sor i ta fif kor nabu nag
ru ur es bak nikas nagmolien.

Sydney:

PRINTED FOR THE NEW SOUTH WALES AUXILIARY OF THE
BRITISH AND FOREIGN BIBLE SOCIETY,
BY JOSEPH COOK & CO., 370, GEORGE STREET.

1874.